

Organisacion Musica ta gradici pueblo di Aruba en general pa e

Exitoso gran final di Aruba Caiso & Soca Monarch 2013

ORGANISACION Musica ta gradici pueblo di Aruba en general cu a asisti masalmente na e gran final di e Aruba Caiso and Soca Monarch festival di asabra ultimo. E festival a cuminsa exactamente 8or di anochi y a cana di un manera sumamente profesional. E competencia a conclui alrededor di 2or di marduga y e resultado tawata conoci den mey ora. E cuerpo di Hurado bou di coordinacion y presidencia di Sr John Hassell, a consisti di 11 persona scogi pa e propio bandanan cu a participa den e festival.

Esaki combina cu e voto DI publico pa medio di SMS. Na final di anochi a corona e honorabel Caiso Monarch 2013: Shawn Phillips “Krypto” cu e cancion Chillin’ Chillin’, un composicion di Claudius Phillips, como tambe e honorabel Soca Monarch 2013: Melvin Baptist “Blackie” cu e cancion: Pacquiao cu ta un composicion di Antoni Gario.

Un palabra di felicitacion ta bay na tur musico, compositor, arreglista, cantante y banda cu a aporta grandemente na e festival, regalando Aruba un cantidad grandi di cancionnan nobo pa nos cel-

ebracion di carnaval.

Musica den nomber di su partnernan comercial Setar NV, Blackberry y Romar Trading cu Heineken, ta felicita e productornan di e evento Purple Entertainment Group pa un excelente trabou, mescos tambe Aruba Wine & Dine cu a percura pa e parti di Food & Beverage. Tambe ta manda un palabra di gratitud na e maestronan di ceremonia Sr Ruben Garcia y Sr Clyde Burke cu a haci e anochi uno sumamente ameno.

Un danki grandi na Sr Mark Benson Denz cu tabata encarga pa e comunicacion cu prensa. Tambe ta manda un palabra di gratitud na gobierno di Aruba, specialmente na Prome Minister Mike Eman y Minister Mike De Meza. Danki na cada un di e sponsornan cu tambe a coopera pa haci e evento posibel: Valero Retail, Aruba Bank, Palm Beach Plaza Mall, K&G, Fun Miles y na Tiara Air cu a regala e Monarcanan 1 pasashi ida y buelta pa Fort Lauderdale, como tambe na DAE cu lo percura pa e Monarcanan biaha pa Miami pa ta participe na e gran festival di Calle 8. Musica ta gradici tambe Stichting Arubaanse Carnaval

SAC pa e cooperacion ricibi.

Ta recorda na fanaticada pa sigui vota via SMS pa bo cantante y cancion favorito pa e premio di Roadjam. Tur cancion cu a participa den e pre-final di e Caiso & Soca Monarch 2013 ta eligibel pa e premio special aki y e mesun SMS code lo sigui vigente. E premio di roadjam ta bay pa e creador di e cancion di mas popular di carnaval 2013 y lo wordo

scogi na final di e gran paradanan. E escogencia lo wordo haci pa medio di un encuesta entre radio emisoranan, combina cu SMS voting y un cuerpo di hurado cu lo husga durante e paradanan e cancion di mas resona.

Tambe Musica ta pidi un y tur cu por tin cualkier comentario of sugerencia pa encaresidamente manda esaki na MusicaAruba@Gmail.com.

